



This e-book was digitized from an original copy by the West African Research Association for the African Language Materials Archive (ALMA) project. Original funding for this project was provided by [UNESCO](#) and the [Council of American Overseas Research Centers \(CAORC\)](#) in cooperation with the [West African Research Association](#) and [Columbia University](#).

Please see the following web sites for more information about the ALMA project, contributing authors, and more titles in the series.

- Digital Library for International Research catalog: <http://catalog.crl.edu/search~S16>
- African Language Materials Archive (ALMA): <http://www.dlir.org/e-books.html>
- African language materials including interviews in video and PDF versions, documentary video, translation work, and bibliographies can be viewed at <http://alma.matrix.msu.edu>.



BANTAARE

Haalan ko yi'i
e ko miilotoo
dow Bantaare
suudu baaba
ISSN 0796-5893




Bantaare lim. 18 - hitaande 2003 - b. 40



11

YEEYORAADE GADA	8
NGESOOJI E TAALI MEN	9
BANNDI	11
KIBAARUUJI MAWDI	12

MIILO AM	2
DREEEJI LAAMU	3
BINNDI FULFULDE CELLUDI	6
KOYDOL	6



Mo anndaa na monii. Yenna goddo tawee ko yenninii na buri mo dum yennata. Ko saabii ? So fulbe mawbe ummoke ni njenna njaroobe bagi, boy kuyfina njaroobe bagi.

• Njaroobe bagi

So ngoonga ni njaroowo bagi ni na yenninii, na huyfinii. Ngadudo ko diina habi fu na yennini, na huyfinii. Diina habii yarngo bagi.

Baka duum walaa, yarngo bagi na bonnina ko heewi : jawdi bonan, neddo suuritoto, yaagem hantoto.

Ndelle neddo fu na jaasi, njaroowo bagi jaasi. En mbinnda :

njaroowo bagi = jaydo.

Ko winnda dum, so nder hiisa, ni waraanaa wi'ude koo njaroowo bagi e jaydo poti.

Jom gure en hewbe na ngondi e ko huyfinta. Be cottan mbaala maa nagge be cooda konkonnguwal gawri gootal de be ada keddiide be njaada luumo.

Balde tattati, luube njaaretee. Otellaaji yo naatete na nyaamee. Seeda seeda faa ceroy kantoo.

Wobbe faa hannde kejjan beernana deekiraabe mubbox, maa biibbe mubbox ada sawru piya boy maa njenna boy hakkunde yimbe.

Wobbe du faa hannde njoppa halal mubbox de njabowa njamaande de calowoo yobude.

So won do neddo ndaardi, ni tawan ko be fu, ko be ngadata dum, na huyfina be dagu no yara bagi bawlito huyfinirta ni. En hoddira daguujo mabbe do woni fu, jom wuro bolo.

• Jom wuro bolo

En ndabbindina innde nde. En noddira jom wuro bolo fu, bolo, kaadiniren noon.

Ndelle bolo fu yo jaydo. En mbinnda : **bolo = jaydo.**

Ko winndaa dum waraynaa wi'ude koo mo innditirten bolo o, kam e jaydo poti. Ndelle so nder hiisa naatuden, na en mbaawi wi'ude koo :

njaroowo bagi = jaydo = bolo

Ndelle anon peloobe njaroobe bagi, paamee koo ko ngadoton e ko be ngadata burdaa.

Taa mballitoree nyaama kam tan luumo ko wel ioppa koreejim, maa hejja fiya deekum, maa biyum taadu koo kam tan anndi ko woodi e ko yoni, taweede so biyum e deekum ittii baka ni wurom yo helan.

Suudu baaba, wanaa jaybe won en anndaano, yo jom gure en bolbe, nyalloobe luumo na nyaama na njoppa koreiji won en anndaano.

Faa hannde wanaa jaybe won en anndaano, heddiibe na piya rewbe taadu kamboy buri semnde miilinoden koo hantoke.

Nder doon, won be mbi'eten jaybe, de yo jaybe burube njaroobe bagi maa jom gure en be innditirden bolbe be dagu no ujune buriri hemnde nih. Suudu baaba,

ummee heba
ndaroden, kabden
yarngo bagi, de
kabden bolbe.
Noon wada de
bantoden. *Banaarc*



DEREEJI LAAMU

Laamu nildii en derewol. Wi'aakanaa

Saruusi mawdo mo jannde haalaaji finaatawaaa e jannde nde jamaa dawranta nildi ngol. E faransiire Bajombiye Bayala, hooreejo saruusi jannde haalaaji finaatawaa e jannde humtaare jamaa winndi ngol de ngol sottinaa e fulfulde. Nder ko wi'aa min nga'ta ngol e Bantaare dum, min termay saataade alla e min kokkaaka derewol mbinndaangol e faransiire ngol. Ndelle so feloore na wodowi, ni min pelnaaki.

"Wannude (wadude wada) golle" yo datol kesol ndabanaangol jannde nde jamaa dawranta 1ey Burkina.

1. Faaminngol e sifagal

"Wannude" yo datol mbaylitoowol e ceilingol dariingol darnde bii kufal ngal gofnema e baale gollidooje e mballooje mun nder golle (onje, baale, gurpumaaji, saruusiji...) nawtortoo dow senndugol golleeji aykanaadi (forgarammuuji) jannde haalaaji finaatawaa e jannde nde jamaa dawranta duum hawjintaanaa baale jamaa nder gollitirde forgarammuuji jannde ley gure.

Datol dabbaangol ngol, yo faa wada waalde gollidoore e gofnema fu wada golle de jey gollude dey tawee ley do gollata doon kirondiren banngal kebal e golle lobbe na won. Hono konngol ngol "mono fu daroo faa woodaa nokku mo gollata". Datol ngol na wondi e sifaaji celludi ngarooji di golloobe nder janndeeji ngoondini.

- senndugol golleeji cappaadi, tuumteteedi e eteteedi, di battaare jannde lekkol e haalaaji finaatawaa e golleeji forgarammuuji di golloobe golleeji jannde haalaaji finaatawaa ngadata ;

- hollugol golleeji di gollanooje jannde haalaaji finaatawaa ndoggi ngolli diin golleeji dey yo to gofnema maa baale mballirooje kaalisi kebiri kaalisi ;


- jabugol baale, dey burdondiral wadaay pukkina dereeji mubben ijaarnde mballiree kaalisi dey tawee dereeji diin ndewi sartiji njamiraadi njokkee, di fu di njokkaama ;

- tawee mballa kebanoodo oon nawtoraama e laabal dey wanyinere walaa;

- hokkugol hawju kaalisi nufaado hokkeede gollanoobe jannde haalaaji finaatawaa, sabu baale yoga ngallaa ceede pukkiide faa ngollira dey njoba yimbe ngadube golle deen law.

2. Golle daraniibe jannde nde

Ley datol "wannude golle" inani saruusiji njey daraade ley doon, faa gasa : gofnema, gollanooje jannde haalaaji finaatawaa e nde jamaa dawranta, saruusiji jamben dajiliili, komnote gure.



Nder celludi Kasim, Puugo, SIL, H. 9, 1993

2.1. Golle gofnema nder

"wannugol golle"

Nder datol wannugol, golle MEBA e saruusiji mum na keewi :

- Yo sappagol golle, heyyugol golleeji e hollugol no politikki janne nde jamaa dawranta yaarata.
- Yo daragol e wallugol baale ley nantondiral e yaarude yeoso e filaade dati kemrudi kaalisi faa mballita jaaral yeoso janne nden.
- Yo faamingol e yalingol dewte kollooje yamiroje (jidaade) gofnema, waylagol saruusiji laamu, wattitagol jaabe gofnemo e yaarugol jonne nde jamaa dawranta yeoso.
- Yo jannginngol jannginoobe e mawbe mubben, walligol baale ngollanooje janne ndeen nder winndugol e gollugol porjeeji mubben banngal janne bantaare.
- Yo gollal tuumtagol e etugol golleeji ngollaadi banngal janne nde jamaa dawranta e wotigom wattitingol jaabe politikki e keyye golle, jaabe tuumtagol cuudi janngirdi, hiinyugol golleeji porgarammuuji yalla na mboodi e dey na kawra hono sartiji mballa kaalisi oon yamiri, hono no etugol ngool e seedeeji janne ndeen, faa hebee faamanee gosugol golle deen.

2.2. Golle baale ngollanooje jannde ndeen

Golle baale ngollanooje jonne nden ngori:

- Taweede ley kawrite hokkondirgol kibaruuji hakkunde baale ngollanooje janne ndeen, gofnema e komnoteeji kebooji mballa faa banta porgaram

leydi - banngal jonne haalaaji finaatawaa.

- Fukkinoygol porjeeji banngal jonne haalaaji finaatawaa to saruusiji mballirooji ceede, de cinnyina amaniji, de nilda rapoorji golleeji e golleeji ceede saruusiji mballirooji kaalisi nder sartiji tayaadi, dey kolla baale laamiibe gure, golleeji ngadeteedi maa ngadaadi.
- Ayke golleeji janne haalaaji finaatawaa dey di ngollee hono sartiji amaana oon pukkiniraa ni.



Nder celludi Kasim, Puugo, H. 11 natal ngal ittaa.

2.3. Golle saruusiji ngollidooji e gofnema e mballirooji kaalisi (petef)

Saruusiji ngollidooji e gofnemo e mballirooji kaalisi na ngondi e porgarammuuji jonne nde jamaa dawranta. Idi ngadda :

- mballa to gofnema banngal yimbe jambe nande e golleeji baale ngollanooje janne haalaaji finaatawaa.

- mballa e kaalisi to gofnemo e baale ngollidooje e saruusiji diin, faa mballa golleeji porje jannde lekkol mo duubi sappo mo Burkina Faso.

2.4. Golle saruusi mballiroowo jannde haalaaji finaatawaa e jannde nde jamaa dawranta kaalisi

Saruusi mo kaalisi jamaa, yo gollitirgal mballoowal joyyinngol porje jannde lekkol sappanaande duubi sappo (PDEBB). Saruusi oon hawjaakinaa :

- e filagol e hawrondingol jawdi (kaalisi) gere gofnema, ngollanooji humtaare leydi e jamaa (parteneer).
- e wallirgol kaalisi porjeeji e porgarammuji di baale ngollanooje (operateere en) jannde nde jamaa dawranta.
- e beydugol bawde gollidiibe gure.
- e wallirgol kaalisi golleeji wa dugol dewte faa banta keewal dewte cemmbingol jannde aranndeere.

Saruusi pilotoodo e mballiroowo kaalisi yo gollitirgal nawtorteengal faro annde e kaalisi. Ingat jey tawreede dewtere hiisorde e jogorde jawdi. Kaalisi maa jawdi kebaandi na jey wallireede jannde haalaaji finaatawaa, janndeeji kesi, winndugol dewte mawde, wallugol winndoobe jurnooji e haalaaji finaatawaa faa mbinnda faa heewa.

2.5. Golle njanngoobe maa mballirteebe jannde

Mballirteebe ko njey wadude : daraade faa nokkuure jannde ittee, winndugol njanngoobe, joyyinngol

baale (komiteeji) kawjotoode njanngirdi.

- taweede ley hiilnagol yimbe porje nanngoobe jannde haalaaji finaatawaa ko operateer dabunoo dey sinnyidi e mabbe.
- wallirde jannde ndeen e kaalisi maa e jawdi nyaameteendi dagu no sartiji amaana oon kolliri ni.

Wallirgol faro anndal jannde nden (formason) e filaade jom en annde golle ley gure, e hiinyugol jaabe ekkitorde e nafaa porgaram keyyanaado jannde ndeen, golle deen. Ndelle joyyinngol "datol wannugol" na jey wallugol jannde nde yimbe fu yaara yeeso ley Burkina Faso dey nde hewta njanngoobe 40% do e hitaande 2011.


Wagadugu, 4 keltalndunnguuru hitaande 2003

BANTAARE

*Seede L. 942/MIJ/CA-TJ/OUA/PF
09 Ouagadougou 09 Burkina Faso*

Tél. 25 11 95/36 39 78

E-mail : issadbble@hotmail.com



MBINNDI FULFULDE CELLUDI

En mbinnda binndi celludi.
Paamee ndelle ko so harfeere
muuyaama teddineede faa bura
keddiide, ni "yo" rewtata dum.

Jaango Aadama femmbotoo.

Jaango Aadama femmboto.

Nder harfeere go'aberde nde, yo
Aadama teddinaa saboo na en mbaawi
wi'ude : Jaango **yo** Aadama
femmbotoo.

Taykee : femmbotoo yo

ooji didi timmirta : oo.

Nder harfeere didaberde nde, yo
femmboto teddinaa saboo na en
mbaawi winndude : Jaango Aadama **yo**
femmboto.

Taykee : femmboto yo "o" gooto
timmirta : o.

Ndelle ndeentee e ko mbinndoton.
So wanaa noon, wi'ete ko on mbi'ii ko
on mbi'ay. Heba paamon faa wooda,
nji'tee ko senndata konnguli ndewtudi
di:

- (a). Aadama **femmbetee** jaango.
- (b). Aadama **femmbete** jaango.
- (c). Aadama **femmban** Alu jaango.
- (d). Aadama **femmbata** alu jaango.

Nder (a) e (d), Aadama teddinaa
saboo na en mbaawi rewtinde dum
"yo". Nder (b) e (c), **femmb...** teddinaa
saboo na en mbaawi rewtinde dum
"yo". Ndelle na en mbaawi winndude :

- (a). **Yo** Aadama **femmbetee** jaango.
- (b). Aadama **yo** **femmbete** jaango.
- (c). Aadama **yo** **femmban** Alu jaango.
- (d). **Yo** Aadama **femmbata** alu jaango.

KOYDOL

Illa lewru sappo e go'oburdu 1992,
na wada duubi sappo e go'o hikka, nde
weeti fu na mi hoydu koo minyiraabe
men e mawniraabe men kebbinii
Barkunnduba kosam.

En miccintina koo Barkunnduba yo
wuro maaroobe njoodiibe e eggoobe na
njaha na ngarta. Barkunnduba nder
ndewgu Ubiritennga, departema
Jiniyaare woni.

Nder koydi di, mi yi'ii koole sappo
yuude do wi'etee Baraasi, rewa
Gooruwol nareehi, ummanoo Buleereel,
yaha Hoggo tunte, yeeyoo warta
Jeltennga, rewa Koodiri, yaha Kollangal
juuldaandu, wara soka lettugal Baraasi.

Nder fewre koydol, mi yi'ii nder
koole godde na'i biramaaji yuurudi
jende tuubaakoobe. Nder koole godde
faa hannde, mi yi'ii na'i biramaaji ittaadi
e n'ai men finaatawaaa keewudi kosam.




Nder Barkunnduba fu, yo kosam.
Burube yidondirde e faamitondirde
kawti coodoobe. Mobel yuurata faa
Wagadugu na wara na soodana be.
Wobbe be du mobel mubbox njogii na
ada kosam na yaara Wagadugu na

sottowa. Mono fu do weli dum woni. Hannde hawta neddo maani adoowo kosam, jaango yoppa oon de hawtowa goddo. Mono fu no weliri dum wa'rata. Ni buudi na naatana dum.


Mono fu no hebirta buudi waanni dum. Hamnde waanay dum, wanyande banndum waannay dum. Yo wallondirde tan, heba nde weeti fu, tawee ndeen burani mono fu.

Faa hannde nder fewre koydol, nder Barkunnduba fu, yo kosam : beedi lobbi, gorli lobbi, coppe e be'i e baali. Fay gooto limay buudi ujune maa buudi ujunaaji didi koo buudi. Fay gooto maabbe tewtoyttaa nyamaande gere. Hakkunde maabbe do tan be mbiltondiran ko bilii.



Nder koydol ngol, ko yuurum Wagadugu ngarum Barkunnduba, mi ndaarowii koole jeddi nder nyaloomaaji didi. Do njottiimi fu, mi tawan jom wuro na joodii na hawjoo jawdim. So rewii faa kosam dillidaama, faa anndaama do na'i kennaa, mono e maabbe fu coppem et bibbe baalim ndaaranta. Njanndem tawaama yo nyandde luumo. Fay gooto e joomiraabe koole jeddi de, yahay

luumo. Fay go'to yidaa fo'taade jawdim sakko goddo fo'tinan.



Do ndewum e koole de fu yo jam e jaleede. A yi'an biiddo e baabam na pillodoo ba jaadiraabe. Won do tawum jom hoggo e bibbem e deekiraabem na ndawrida heba nji'ta noy ngadata de bantaare mubbox beedoo. Be njeddondiran ba be jaadiraabe nih. Mono fu na haala ko miilotoo.

Won do tawum, hammadi baade ndeen wi'i ko burani dum fu, binagol ndimiraakol hitaande fu sottee illa fooyay saboo so fuddii rewude na'i na durowa ni fooyan. Baabiyo o salii. O wi'i fudataa wadataa. Ni na be nje'dondira. Ni na be kokkondira hakkilooji. Suka gorko o, e minyiraabem keddii njaaltii baabiyo o.

Ba neeban ni dontooje puddi joggude, miisiide fuddi noddinde. Ni pinum. Mbi'um jakay mi hoydanno. Ndeennoo ummiimi nanngoymi de njuulum.

Jooni, koydi di na nga'ani kam ba ngoonga. So Alla jabii, di laatoto ngoonga. Faa gure maroobe hewbe ngara nyemma koole Barkunnduba de.

Bantaare

YEEYORAADE GADA

Ko yaarataa neddo yeeso yo gada yaarata dum maa hedda dum do wonnoo. So neddo ndaarii nder gure men hannde, tawan yo dum ngoonga.

Heba paamitoden faa wooda, en ndaara no golleeji kawjoraa nder gure ladde.

Nder gure, mono fu golem e golle koreejim waani dum. Nder saare du yo noon.



Wakkati gom na woodi ko leebi wadeede tawee na waanni wuro fu.

So bunndu muuyaama waseede, so lekkoy muuyaama nyibeede, so laawol muuyaama itteede maa fonnditeede, na hegitii ko mbaawube fudaroo ngolla saboo golle deen yo golle kabbude yimbe fu hoore.

Bii wuro e janano fu na mbaawi daraade heba gollal ngaal gollee. Artiido yiiti hakkillo koo gollal ngaal yo leebungal daraneede fu, na waawi ummaade daroo de ummina haajaabe.

Arande ko burunoo heewude, yo ardo wuro umminannoo golle kawtaado.

Hannde hannde, ardo wuro do woni fu, na jogii walliibe. So hennde e ndemndi, ndemoobe tawrete waalde maa baale ndemoobe. So hende e maral, maroobe tawrete waalde maa baale maroobe. Deel baale won de tuubaaku noddirta gurupmaaji. Ardo wuro do woni fu na waawi wallitoraade de.

Gurupma wanaa neddo gooto, wanaa yimbe dido. Yo yimbe hewbe kawtube ko ndiiwata.

So yo bantaare maral be ndiiwata, ni be innditoroo waalde maroobe. So bantaare birngo, ni be innditoroo waalde biroobe. So bantaare diina, ni be innditoroo waalde bantaare diina.

Fadde waalde e hebude laawol gollal, kanaa tawee hokomiseere maa ministiri na anndi fiyaa muudum.

Fadde fiyaa waalde e anndedee, kanaa waalde ndeen joyyina sariya muudum de wa'ta holla ko riiwata. Dume waalde remoobe riiwata so wanaa hebude bantoroon demndi ! Waalde maroobe du riiwa hebude bantoroon maral.

Ndelle waalde fu, na leebii tawree sariya, tawree ko riiwata, tawree seede kolloo wo koo laamu Burkina Faso na anndi fiyaa muudum.

Do waalde nde Burkina faso anndi fiyaa muudum woni fu, na leebi tawee yo waalde nde gure mbaawi wallitoraade ngolla golleeji kewdi.

Duum saabii de nder wuro fu, na leebi baale njoppee ngolla golleeji mubboy heba bibbe wuro en ndewa doon bantoo.

Illa aduna joodii, gooto bantay wuro. Hannde hannde fu buri, gooto waawaa bantude wuro. Hoorem e koreejim di buri yidude tan waawi bantude. Koreeji diin du tawee dido maa tato ; so buri noon ni waawataako. Ko heddi fu yo fewre.

Неба wuro bantoo, kanaa биббе wuro en hewbe bantoo. Неба бе bantoo, kanaa baale ngadee de njoppee ngolla golle mubbox. Tawee waalde fu na jogii sariya muudum, na anndi ko rriwata, hooreebe leydi na anndi fiyaa muudum.

Caliido yoppude ngolloobe ngolla golle mubbox fu, yo bantaare биббе wuro en wanyi de hebbini rafi hulude Alla, saboo ko neddo yidani hoorem duum, so wanyanii dum goddo, ni hulay Alla.

Alla wallu en e njidanbe ko'e mubbox de mbanyani wobbe saboo kadataanaa gure yahude yeeso. Wuro le so yahay yeeso ni yo gada yeeyortoo. Alla wallu en taa gure men njeeyoroo gada.

Miilotoongal

KE'TINANEE JELGOOBE JELGOOJI

Jelgoobe бе njeebaaki juulde,
Njidube jaleede njennoobe jaljallube,
Nje'dube fewre njinnganbe ngoonga,
Njalata juulde jaljallube njanniniide,
Juulde njaawude nja'faade. *Jelgo*

NJANGEE BANTAARE

NGESSOOJI E TAALI GURE MEN

TINDINOOJE GORKO MAWDO

Wadiino e jamaanuuji, jaadiraabe tato. Be mbi'i be tewtowan anndal e kanje. Fini nyannde gom, бе ndilli. Gooto mabbe reedu yoppidi deekum. Be njottii do Moodibbo mawdo. Be ndarii бе njanngi faa бе timmini. Wari бе naatondiri e tewtiiru kanje. Be tewtiri duubi. Mono e mabbe fu hebi ko Alla hokki дум. Bee kebi боде kanje seeda, oo hebi боде kanje dudde.



Gada jaadiraabe tato бе, kebii ko njahannoo, mbi'i kootan wuro.

Sukaabe men adi laawol. Be njottinoo hakkundeeji fu, gooto mabbe wi'i бе panta gorko mawdo na woni faro doon, бе daabba anndal бе beeda.


Heddi didooobe бе dootiri o faa o doomi wuro gorko mawdo, de cakitii mbi'i njottataako. O wi'i бе njotttoo gorko mawdo o, ko бе keban anndal бе beeda saboo anndal heyataa ; dido бе calii. Kanko kaa o yottowii gorko mawdo.

Suka gorko yottodii bode kanje tati. O wi'i : "Gorko mawdo, mi waraanaa heba kollaa kam ko nafata kam saboo ko nj'i'ataa so a joodoke dum, fayndariimi mi yi'ataa dum".

Gorko mawdo wi'i o hokka dum hoore junngo. Suka gorko hokki boddere kanje. Gorko mawdo wi'i o, do naange hiiri o fu, o waala toon. Suka gorko watti hokki boddere kanje. Gorko mawdo wi'i o, didabul majjum, o terma faamitaade huunde fadde makko wa'de ko o wa'ta fu.

Suka gorko itti boddere kanje hokki o gadi. Gorko mawdo jabi boddere kanje loowi de wi'i o, tatabal majjum, ko ngardaa heba ngadaa fu, taa wa'ru dum beernde, ta waaru dum harugu, accu tayoraa.

Heddii o yeeyii do jaadiraabe makko. Sukaabe men worbe adi laawol wuro mubbox. Nanaa na be njaha. Be njehi faa naange warowi saami.



Suka gorko tatabo o wi'i be ndaroo be tehta do be mbaala. Dido be calii. Taabii. Kanko du o jippini kineesi makko, o waali doon.

Weetunoo, suka gorko adi laawol. Wari o tawi jaadiko gooto na maayi e laawol, didabo o na nyonoo dum. O

yami ko saabii. Wi'aa o meemti. Be mballondiri be moobi maydo o. Ni be anti laawol maabbe. Na be njaha.

Be njehi faa booyi. Wari na be paama, sonnyo. Jaadiiko wi'i o wara be kumpitowoo ko woni. O salii. O holli ko gorko mawdo wi'unoo o. Oo to, jaabii wi'i : "Gorko mawdo o le wanaa hiilu ma jabi jawdi maa".

Heddii o seli heba o humpitowoo dume saabii sonnyo ngo. O yottinoo fu, o tawi rawaandu ladde rimi. Fadde makko e doggude, tawi rawaandu ladde waddoke o waddii e leydi. Nih o maayiri kanko du.

Heddii suka gorko men hawrondini bode kanje e dewte maabbe beedi ko mum ronndii. Ni na o yaha faa o doomi wuro makko. Tawi futuro warii. O jippini gineeji heba jennga de o yottoo baade makko.

Jemma jenngunoo ni suka gorko men yottii baadem. O tawi suka gorko na fukkii na samndii deekiiko. Nde wootere o faddi gineeji di o ronndinoo de o soorti labi heba o soppa suka gorko.

Heddii o miccitii ko gorko mawdo wi'unoo o : ko o wari heba o wada fu, o terma faamitaade tay. Ni o meemi hoore deekiiko. Debbo harbitii darii dow. O yami dum moy fukkii dakkol mum. Debbo haalani o : "Reedu ndu njoppunodaa ndu, luttaa rimaa. Biddo oon fukkii nih".

Nih o faamiri koo tindinooje gorko mawdo o, nanngii o. Ndelle ko mawdo joodotoo yi'a dum, suka ndariido yi'ataa dum.

Saajo Bari, jom taksi

BANNDI

Hannde gadin en ekkitoto fulfulde. En ekkitorto dum banndi di Waaldeere Daraniinde Fulfulde nder Burkina winndani en. Dewtere banndi 1500 waalde nde winndi. Buudi 60 nde sottetee. So on muuyii nde on tawan nde waalde toon maa doodo Bantaare.

Na wallee de na wara nyuuyi
Naange fu na hatingini e koode
Naange woni wodda wula
Naange yaltunge fuh liilante
Nagge waawaa yettude ladde
Nanndu e baaba jalataa biddo
Nano yoofii, nyaamo jogaaki
Nde gite yuwi du na heddo lugge
Ndemaandi buri coodowaandi
Ndiyam lammataa meere
Ndiyam lootataa dowgi
Ndiyam ndoggoojam wuddataa
Ndontoori mbakkaandi joggataa
Ndu walaa le'al hedataako "aay"
Neddo fu gere do njottirta doon lelortoo
Neddo na huda biyum de yidaa jaabee
Neddo na yara kosam nge duroway
Neddo buray ma tekke de bure tendi
Neddo wo waalde mum
Neddo yi'ataake do walaa
Ne'udo hebirii ndimudo
Ngaari suukataanaa e winnde mum
Ngulu wulii ngulu
Nguttu buri jiilol
Njoorki hubbetee
Njoorndi wuulataako

No polle lammiri fuh, yottataako jamme
No wolde boniri fuh, heddoto kaaltoowo
Nowru heccataake
Nowru na nana ko yidaa nanude
Nowru waaldataa
Nowru waddanta hoore bonde
Noy ngadeten na buri nih ngadan-mi
Nyaayo duluuru wo hufo e dereeji
Nyaamdo nguru hanyan leebi
Nyaanyu ko waanni ma
Nyalooma joodataake
Nyawndu njatii waatundu



Nyawdo hoolaaki Alla
Nyawu woni nelaado mayde
Nyeenyal buri semmbe
Nyiiye e demngal kawti kaa na kaba
Nyiri njogiindi gite na semtinii nyaamde
Nyiiwa walaa duroowo.

Waalde Daraniinde Fulfulde nder Burkina

NIJANGEE BANTAARE WAROORE L.19

KIBAARUUJI MAWDI

Radiyooru ndu kittinidaa hannde fu yo haala Irak e haala Sadam Husen haalata. Heba paamen haalaaji diin faa wooda, e terma anndude Irak fadde men yahude toon njuulowen der miisiideeji mabbe mawde de.


Irak yo njenndi buurtundi Burkina mawnude seeda. Nani duudeefim e njaajefim :

Njaajefi	434925 km ²	Duudeefi	Miliyooji 22
----------	------------------------	----------	--------------

Bagdad won laamorde Irak. Yimbe muudum yo miliyooji 4,8 limanoo. Nder aarabuure, Bagdad waraanaa wi'ude "tiinde ndiyam".

Ko duubi 1889 dum, tuubaakuube Rom laaminoobe. Ko duubi 1366 dum alsilaami en adi laamu leydi ndiin.

Bi'eteedo Kalif Al Mansuur fuddi Bagdad ko duudi 1247 dum. Bagdad ko duubi 745 dum wadaa laamorde. Karti Bagdad won ko rewti dum. Do X woni do wonnonoo waaldude hooreejo Irak.




Tuubaakuube ngariino laamoke Irak ko duubi 83 dum. Irak warowi hewti hoorem ko duubi 73 dum.

Illa hitaande 1968, bii Irak go'to na noddiree Sadam Husen fuddi anndintinde hoorem. O waroowii o adii laamu ko duubi 24 dum. Nde hitaande boylitinoo warti fu, o fuddi hamnde. O habdi e leydi mbi'eteendi Iran ndi yuude 1980 yaade 1988.

Nde hamnde hantinoo hakkunde Irak e Iran fu, o naatondiri e leydi mbi'eteendi kowet ndi, duum won 1990.

Kabe hakkunde Irak e hoddiibem minnyii maybe hewbe. Inniraabe mbullii, baabiraabe mbullii.

Illa duubi cakitiidi di, Sadam e ardo Amerikki mbi'eteedo Bus o, njidondiraa. Rafi yidondirde mabbe minnyanii Saddam doofeede e laamu faa yehee kasowee.



Hannde, Alla tan anndi ko Sadam wadetee. Ko buri hasaade ni o gosoyte. Moy le gosata o de gosu ma'ko rewa laawol ?

Ko woni le, fay neddo wari yimbe ujune, koo nyallaan na wadee fu, leebaanaa tawee yo sariya hokki laawol.

Tewtoowal